


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-44	Ad-Dukhan	59	3	Makkiyyah	Ke-64	7



Zaman Diturunkan

Surah ad-Dukhan diturunkan di permulaan peringkat ketiga kehidupan Rasulullah s.a.w. di Mekah antara tahun ke-6 hingga ke-10 Kenabian, besar sekali kemungkinan ia diturunkan ketika berlakunya kemarau yang dahsyat pada tahun ke-7 Kenabian bersama-sama Surah al-Jaatsiyah. Dalam rangkaian حواميم ia merupakan surah yang ke-5.

Pada masa itu, macam-macam kritikan dan tuduhan dibuat oleh orang-orang musyrikin Mekah terhadap Rasulullah s.a.w., baginda dituduh gila, dirasuk hantu dan مُعَلَّم (seorang yang diajar), orang-orang Quraisy berada dalam keraguan tentang kewujudan hari akhirat, mereka diancam akan dihukum pada hari kiamat. Perangai orang-orang Quraisy betul-betul seperti perangai Fir'aun dan penyokong-penyokongnya yang bermaharajalela di muka bumi. Menggunakan perkataan: 'Tunggulah' (فَارْتَقِبْ) Rasulullah s.a.w. dipujuk dan dalam masa yang sama orang-orang Quraisy diancam bahawa dalam masa beberapa tahun sahaja lagi keadaan akan menjadi terbalik.

Perkaitan Surah Ad-Dukhan Dengan Surah Sebelum Dan Selepasnya

1. Di dalam Surah az-Zukhruf telahpun dijelaskan tentang tauhid tasyri' dan tauhid haakimiyyah dalam bentuk positif, di dalam Surah ad-Dukhan ini pula perkara yang sama diperjelaskan dalam bentuk negatif dengan menjadikan sikap Fir'aun sebagai contohnya.

2. Sikap Fir'aun dalam عَلُو فِي الْأَرْضِ (bermaharajalela) di muka bumi adalah hasil dan akibat daripada 'aqidah شِرْك فِي التَّشْرِيعِ (syirik dalam menerima orang lain selain Allah mempunyai hak untuk membuat peraturan dan undang-undang kepada manusia) dan شِرْك فِي الْحَاكِمِيَّةِ (syirik kerana menerima orang lain selain Allah sebagai hakim dan pemutus perkara).

Beberapa Kata Kunci Dan Tema Utama Surah

1. Di dalam Surah ad-Dukhan al-Qur'an dikatakan sebagai كِتَابٌ مُبِين (kitab yang jelas) (Ayat: 2), Qur'an juga dikatakan sebagai rahmat (Ayat: 6), melalui perkataan يَسِّرْنَاهُ بِلسَانِكَ diperjelaskan bahawa al-Qur'an diturunkan dalam Bahasa Arab supaya mudah difahami oleh orang-orang Arab yang mula-mula menerimanya (Ayat: 58).

فَرِّمَّا يَسِّرْنَاهُ بِلسَانِكَ لَعَلَّهُمْ يَتَذَكَّرُونَ ﴿٥٨﴾

2. Tuduhan orang-orang Quraisy bahawa Rasulullah gila, dirasuk dan diajar oleh pihak tertentu yang tidak diketahui siapa sebenarnya dijawab dengan al-Qur'an berbahasa Arab yang mudah difahami dan terang maknanya (Ayat: 14).

ثُمَّ تَوَلَّوْا عَنْهُ وَقَالُوا مُعَلَّمٌ مَجْنُونٌ ﴿١٤﴾

3. Awal-awal lagi seruan al-Qur'an kepada tauhid uluhiyyah dikemukakan, sifat qudrat dan rububiyyah Allah dijadikan sebagai dalil bagi kebenarannya (Ayat: 8).

لَا إِلَهَ إِلَّا هُوَ يُحْيِي وَيُمِيتُ رَبُّكُمْ وَرَبُّ آبَائِكُمُ الْأَوَّلِينَ ﴿٨﴾

4. Di dalam ayat ke-9 dinyatakan keraguan orang-orang Quraisy dengan menggunakan perkataan إمتراء (تمترون) (Ayat: 50).

إِنَّ هَذَا مَا كُنْتُمْ بِهِ تَمْتَرُونَ ﴿٥٠﴾

Sikap mereka dalam mengingkari dan tidak mempercayai hari akhirat dijelaskan dalam ayat ke-35.

إِنْ هِيَ إِلَّا مَوْتَتُنَا الْأُولَىٰ وَمَا نَحْنُ بِمُنْشَرِينَ ﴿٣٥﴾

5. Antara jenayah yang dilakukan oleh Fir'aun ialah sikapnya yang bermaharajalela di muka bumi (عُلُوّ) (في الأرض), Nabi Musa telah mengingatkannya supaya tidak bermaharajalela tetapi dia terus tetap bermaharajalela (عَالِي فِي الْأَرْضِ) (Ayat: 19 dan 31).

6. Kisah bagaimana Bani Israil terselamat daripada kezaliman Fir'aun dikemukakan, kelebihan yang diberikan kepada mereka daripada orang-orang lain juga dinyatakan (Ayat: 30).

وَلَقَدْ نَجَّيْنَا بَنِي إِسْرَءِيلَ مِنَ الْعَذَابِ الْمُهِينِ ﴿٣٠﴾

(Ayat: 32).

وَلَقَدْ اخْتَرْتَنَاهُمْ عَلَىٰ عِلْمٍ عَلَىٰ الْعَالَمِينَ ﴿٣٢﴾

7. Salah satu sifat Allah dikemukakan bahawa Dia menghukum orang-orang yang zalim (Ayat: 16) dan membinasakan penjenayah-penjenayah kemanusiaan (Ayat: 37).

أَهُمْ خَيْرٌ أَمْ قَوْمُ تُبَّعٍ وَالَّذِينَ مِنْ قَبْلِهِمْ أَهْلَكْنَاهُمْ إِنَّهُمْ كَانُوا مُجْرِمِينَ ﴿٣٧﴾

8. Di dalam surah ini orang-orang Quraisy diberi amaran sebanyak 2 kali menggunakan perkataan فارتقب (Tunggulah) (Ayat: 10 dan 59).

9. Pada hari kiamat nanti, langit akan kembali menjadi asap (Ayat: 10).

يَوْمَ تَأْتِي السَّمَاءُ بِدُخَانٍ مُبِينٍ ﴿١٠﴾

Di dalam Surah السجدة حم atau Fusshilat yang lalu telahpun didedahkan tentang kejadian langit di peringkat permulaannya, ia hanya merupakan asap semata-mata (Fusshilat: 11).

ثُمَّ أَسْتَوَىٰ إِلَى السَّمَاءِ وَهِيَ دُخَانٌ فَقَالَ لَهَا وَلِلْأَرْضِ ائْتِيَا طَوْعًا أَوْ كَرْهًا قَالَتَا أَتَيْنَا طَائِعِينَ ﴿١١﴾